

Noticia  
Transparente  
di Gobierno

# ISLA ONLINE

Diabierna 26 Juli 2024

Email: [IslaOnline@gobierno.aw](mailto:IslaOnline@gobierno.aw) Tel: 528-4952



ARTE DI MURAYA  
SAN NICOLAS



**STABILIDAD  
Y  
PROSPERIDAD**

2 0 2 4



**Gabinete Wever-Croes**





## Danki na e trabou incansabel di Minister Endy Croes y AVB 7 VELD DI FUTBOL NA ARUBA LO HAYA TURF CU FONDONAN DI FIFA



Prome Minister Evelyn Wever-Croes recientemente tawatin un reunion interesante cu ehecutivonan di FIFA pa dialoga tocante e proyecto di turf (yerba artificial) pa 7 veld di futbol na Aruba

Durante e reunion FIFA y AVB a duna di conoce cu 7 veld na Aruba lo haya turf, y e bon noticia ta cu tur gasto lo wordo cubri pa FIFA. E 7 veldnan cu inicialmente lo haya turf ta veld di Nacional, Bubali, RCA, River Plate, Dakota, Estrella y La Fama.

Presente pa e reunion tawata Minister di Deporte, señor Endy Croes, Artificial Turf expert di FIFA, señor Alastair Cox hunto cu FIFA Regional Development Manager, señor Jordan Victoire y representantenan di AVB (Arubaanse Voetbal Bond), consistendo di e Presidente señor Randolph Lacle, Secretario General, señora Dyane Wiersma y Project Manager, señor Pancho Croes.

Prome Minister ta indica cu Gobierno di Aruba na e momentonan aki ta dunando di su parti trahando riba e asuntonan legal di tereno y tur otro proceso necesario pa e proyecto por cana bon y FIFA por haci e inversion na e momento indica. E trabounan lo cuminsa na comienso di aña 2025 y inicialmente lo pone turf na 2 veld pareu y e trabou lo dura entre 3 pa 4 luna, y asina lo continua cu e demas veldnan. E proyecto aki sigur lo eleva e nivel di futbol y lo mehora e desaroyo di futbol en general na Aruba.

E meta y enfoke di FIFA cu proyectonan asina principalmente ta pa mira mas desaroyo den futbol di categoria di mucha, hoben



y futbol femenino. Clubnan cu tin ekiponan den e categorianan aki lo bin mas lihe na remarke.

Prome Minister ta remarca cu e 7 veldnan cu na e momento aki a wordo scogi ta cumpli cu exigencianan di FIFA cu ta necesario pa bin na remarke pa e proyecto. E otro clubnan cu na e momento aki no ta cumpli cu e exigencianan di FIFA, lo haya e atencion necesario pa asina den futuro nan tambe lo bin na remarke pa e turf.

“Principalmente e meta di FIFA ta pa stimula clubnan di futbol pa traha riba e desaroyo di e deporte enfoca riba futbol di mucha, hoben y futbol femenino y esey ta algo cu mi ta aplaudi y apoya. Pabien na e 7 clubnan cu awor a wordo scogi. Mi sincero gradicimento na FIFA, na AVB pa e intermediacion y tur stakeholder cu a traha hunto riba e bunita proyecto aki. Danki di curason na Minister di Deporte, Endy Croes pa su bon trabou incansabel y su dedicacion pa nos por a logra esaki”, Prome Minister a expresa.



## Prome Minister Evelyn Wever-Croes: ULTIMO DIA !

# PA ENTREGA UN PROPOSICION PA CONDECORACION REAL 2025 TA DIA 31 DI JULI

**Ta un honor pa un pueblo ta parti di e decision kende lo ricibi un reconocimiento prestigioso asina for di Su Mahestad Rey Willem Alexander**



mira mas leu di nos mes, pa extende nos man, y construi un comunidad mas fuerte, determina y resiliente.

Prome Minister Evelyn Wever-Croes ta invita ciudadanonan di nos pais cu conoce un persona cu ta merece e Condecoracion Real, pa entrega un proposicion. Ta pa medio di proposicionnan di nos ciudadanonan, e personanan aki, cu 'no ta laga e man drechi sa kico e man robes ta haci', por ricibi e reconocimiento mereci di Rey Willem Alexander como gratitud pa e trabounan cu nan ta haci pa nos comunidad.



Reconoce ciudadanonan cu merece di wordo reconoci, no solamente ta refleha riba un comunidad cu ta duna balor na trabounan boluntario, pero tambe e ta reenforza e curason di solidaridad, dedicacion, contribucion, compasion y cuido un pa otro di nos pueblo. Ta un honor pa un pueblo ta parti di e decision kende lo ricibi un reconocimiento, un Condecoracion Real for di Su Mahestad Rey Willem Alexander.

Apesar cu ta e comision encarga ta dicidi, pa medio di informacionnan ricibi, ta nos pueblo ta propone e ciudadanonan cu merece e condecoracion prestigioso aki. Esakinan ta ciudadanonan cu a dedica nan tempo, nan energia y curason na servicio di comunidad sin egoismo y sin spera algo a cambio, sin pidi nada a cambio. E reconocimentu di e rey pa e ciudadanonan remarcabel aki no solamente ta honra nan bon trabou, pero tambe ta alcanza e sentimento pa trabounan boluntario, encurashando tur ciudadano pa refleha riba con nos por contribu na e bienestar y progreso comun. Nan historia di dedicion, compasion y solidaridad ta inspira nos pueblo pa

Ultimo dia pa entrega e proposicion pa Condecoracion Real 2025 ta diaranson 31 di Juli, 2024 pa 4 pm na Bestuurskantoor na Playa. Pa entrega un proposicion pa Condecoracion Real 2025, mester yena dos formulario cu ta disponibel na Bestuurskantoor na Playa y San Nicolas, tur MFA, y online riba e website di Gobierno. E formulario mester wordo yena detayadamente y firma door di e persona y/of instancia cu ta haci e proposicion.

Unabes e proposicion wordo entrega, e lo wordo repasa pa e comision di Aruba pa wak si a cumpli cu tur rekisito, pa despues wordo manda pa Hulanda na unda lo tuma e decision final. Pa un ciudadano bin na remarke pa un reconocemento asina, lo mester adheri na cierto rekisitonan. E persona mester ta eherce trabou boluntario pa un periodo minimo di 15 aña, y e persona mester a haci prestacionnan particular den nan funcion actual. E prestacionnan den tur dos categoria mester ta di un nivel hopi halto, superando loke normalmente ta wordo spera di su trabou y mester tin un balor excepcional pa e desaroyo di Aruba.

Pa download e formularionan:

<https://www.gobierno.aw/oportunidad-pa-entrega-proposicionnan-pa-condecoracion-real-2025>





## PA PROME BES DEN HISTORIA CONCACAF GIRLS U15 TA TUMA LUGA NA ARUBA

**Pueblo di Aruba ta cordialmente invita pa apoya nos Seleccion Hubenil Femenino U15**



Recientemente, Minister Endy Croes a elabora riba e torneo di futbol internacional cu ta tuma luga pa prome bes den historia na Aruba. Arubaanse Voetbal Bond (AVB) hunto cu CONCACAF ta preparando pa e torneo grandi aki, esta CONCACAF Girls U15.

Un total di 13 pais a confirma y ta competi den e torneo aki. E seleccionan lo bataya contra otro pa conquista e titulo maximo. E torneo ta tuma luga di 1 pa 11 di augustus proximo na Aruba.

Minister Endy Croes a subraya cu a percura pa pone Stadion GPT na Dakota den condicion pa e campeonato por tuma luga eyden. Pa finalisa, Minister di Deporte ta felicita Arubaanse Voetbal Bond (AVB) pa agresivamente atrae torneo grandi pa Aruba. Tambe e mandatario di Deporte ta gradici tur esnan cu a duna nan aporte pa hunto logra cu CONCACAF Girls U15 tuma luga na Aruba. Por ultimo, Minister Endy Croes ta desea e 13 paisnan hopi exito, specialmente na nos Seleccion Hubenil Femenino U15. Cu deseo, disciplina, dedicacion y determinacion boso ta logra.



**Minister Endy Croes:**

## EMOCIONANTE Y BUNITA APERTURA DI WEGANAN OLIMPICO PARIS 2024

Diabierna ultimo, a tuma luga e gran Ceremonia di Apertura di e di 30 edicion di Weganan Olimpico Paris 2024. Pa prome biaha e apertura di Weganan Olimpico e delegacionnan tabata riba un boto cu a traspasa mas di 6 km riba e riu de Seine cu ta recore den e ciudad. Ta premira cu mas di 300 mil persona a presencia e gran desfile di Weganan Olimpico Paris 2024. Mas di 1.5 biyon hende rond mundo por a admira e bunitesa di nos delegacion na television.

E delegacion di Aruba a briya cu nan trahe ceremonial confecciona pa e costurero Sr. Ramon di Staylay. Pais Aruba su abanderadonan tabata den persona di Chloë Farro y Mikel Schreuders, ambos atleta di landamento. Hefe di Mision, Kamilah Dammers, atleta di Vela, Just van Aanholt, coach di Vela, Yuri Hummel, coach di landamento, Ismael Santiesteban y miembro di Direccion di Deporte, Monica Fajardo tabata esnan cu a compaña e abanderadonan riba e boto. E Weganan Olimpico Paris 2024 a inicia dia 26 di juli pa 11 di augustus proximo.

Aruba ta competi cu seis (6) atleta na e Weganan Olimpico esta, Shanayah Howell Ciclismo/BMX, Chloe Farro landamento, Ethan Westera Vela/Windsurfing Men, Just van Aanholt Vela/Single Handed Men, Mikel Schreuders Landamento y Philip Elhage Tiro. Pa finalisa, Minister Endy Croes ta desea nos atletanan hopi exito. Cu disciplina, deseo, dedicacion y determinacion boso ta logra. Aruba ta orguyoso di boso!







# Maneho di Idioma

Compronde loke bo ta skirbi y lesa



# Sintonisa

PROGRAMA INFORMATIVO

▼  **29 di juli 2024**

 **9:00 PM**



 /ManehoDiIdiomaAruba

Ministerio di Enseñansa y Deporte



## Gobierno di Aruba:

# NO TA CONTEMPLANDO PA HISA EDAD DI PENSIOEN

**Segun palabracion cu Hulanda, na aña 2025 lo haci un estudio pa sa con fuerte e fondo di pensioen ta**



E Compromiso di Gabinete Wever-Croes ta pa garantisar cu e fondo di pensioen di biehes di AOV ta solido. Pa esaki ya desde 2017 Gabinete Wever-Croes a haci tur posibel pa drecha e situacion financiero grave cu nos pais tabata aden, pa asina crea posibilidadnan pa futuro y pa fortifica nos fondo di pensioen.

Na aña 2020 ora Aruba a wordo confronta cu e pandemia, Covid 19, y pa por sobrevivi, Aruba mester a presta placa di Hulanda. E placa aki tabata necesario pa yuda henter comunidad, entre otro pa e subsidio di salario pa tur trahado y FASE pa esnan cu a perde trabou y pakete di cuminda pa esnan den necesidad.

Manera tur hende por corda, e fianza aki no a bin sin mas. Hulanda a bin cu exigencianan draconico pa presta Aruba placa durante pandemia. Un di e condicionnan tawata ta cu e edad di pensioen mester subi pa 66 of 67 aña.

Gobierno a negocia hopi largo riba e punto aki. Di un banda, Gobierno tabata tin mester di e fianza pa por yuda nos ciudadanonan sobrevivi. Pero di otro banda Gobierno no kier a acepta e condicion di hisa edad di pensioen sin mas.

### **E ORA GOBIERNO A YEGA NA E SIGUIENTE PALABRACION:**

Na aña 2025 lo haci un estudio pa mira (1) si e fondo di pensioen di AOV ta solido. Si e ta solido, no mester tuma ningun paso. (2) Si resulta cu e fondo NO ta solido, Aruba lo tuma e decisionnan necesario pa mantene e fondo solido. Pasobra sino, e fondo ta kibra y no por paga pensioen mas na pensionadonan cu a paga premies pa hopi aña.

Tin varios decision cu Gobierno por tuma si en caso e fondo ta existi esaki. Un di nan por ta aumento di e edad di pensioen. Un otro ta aumento di e premies, entre otro. Hecho ta cu na e momento aki Gobierno no ta contemplando pa hisa e edad di pensioen, y lo haci e investigacion na 2025. Por lo tanto edad di pensioen no ta bay hisa awor manera algun hende ta sugeri. Lo haci investigacion prome y lo evalua tur alternativa prome cu hisa edad di pensioen.

Compromiso di Gabinete Wever-Croes ta pa garantisar cu e fondo di pensioen ta solido pa garantisar cu esnan cu awe ta traha y paga premie, tambe por goza di e pensioen aki den futuro.





## Gabinete Wever-Croes

Pa cada ciudadano di nos pais, Arte di Muraya na San Nicolas ta un recordatorio, cu hunto nos por cambia e ordinario den algo extraordinario. Laga nos admira e artenan aki cu curasonnan habri, permitiendo e beyesa di e murayanan activa nos imaginacion y inspira nos pa crea un pais mas colorido, bunita y conecta.

# 2024

AÑA DI STABILIDAD Y PROSPERIDAD